

KONTAKT

KYRKJEBLADET FOR MELAND · NR. 4/23 · 33. ÅRGANG



Les om ikon frå Alver, side 9-10



Misjonsfest med fullt hus, september 2023. Skala brassband på podiet, Bjørg Aadland som møteleiar

Strømper til Afrika?

Tekst: Åshild Bjørkum Furukawa

Foto: Åshild B. Furukawa og Arve Kjell Uthaug

Kanskje du har høyrte dette uttrykket: «Strømper til Afrika»? Eit uttrykk som vart brukt for å raljera med dei som strikka leistar, slik at dei som budde i Afrika skulle få betre liv. Ja, det er mange kvinner og menn som har samlast for å strikka og sy, spikka og dyrka poteter for at folk under fjerne himmelstrok skulle få høyra evangeliet, læra å lesa, få medisin og reint vatn. Dette har vore gjort over heile landet i over 180 år. Også kvinner i dei ulike krinsane i Meland har gjort dette.

Og dei samlast framleis! Frekhaug misjonsforening er kanskje snart den einaste misjonsforeninga som er att i vår kyrkjelyd. Det er ikkje mykje handarbeid som vert gjort lenger, men gløden og visjonen er den same: At evangeliet må verta forkynt over heile jorda, slik at menneske kan verta kjent med Jesus og tru på Han.

8 kvinner samlast annakvar veke, for å verta kjent med den verdsvida kyrkja og arbeidet som føregår i mange

land, slik dei har gjort sidan 18-hundretalet. Det var få som kjende Sør-Afrika, Madagaskar og Kina betre enn foreningsdamene! Det er spennande og utfordrande å høyra personlege historier om kristne og ikkje-kristne som lever under heilt andre forhold enn me. Og å høyra om kulturar og styreforhold som synest så framande. Dei lærer mykje, og samtalar om det dei høyrer. Dei deler óg ting som skjer i bygda, arbeidet i kyrkjelyden, innflyttarar og dei som veks opp, ungdomsarbeidet og søndagsskulen. Og så ber dei for alt saman, og for kvarandre.

Dette er kjernen i møta. Nett no er det Mali som er i fokus, sidan Frode Brugger Sætre frå Austrheim er misjonær der. Dei har og eit forhold til Japan. Pengane som vert samla inn på alle møta, går til evangeliseringarbeidet der.

Ein andakt skal det også vera. Og eit måltid, der praten går om laust og fast. Av og til har det vore mykje fin oppdekking. Det kan henda det vert kake når nokon har ein dag å feira,

 SOS 22.40.00.40	 SOS CHAT	 SOS MELDING	TRENG DU NOKON Å FORTELJE DET TIL? Vi er her. Alltid. kirkens-sos.no	
--	---	--	---	---

men stort sett går det i brød, ost og syltetøy. Det skal ikkje vera for travelt å stella til, for møta går på omgang rundt i heimane og ein skal ikkje måtta kvi seg for å ta i mot. Men ein gong i året slår dei på stortromma. Då er det fest på Frekhaug bedehus, med tilreisande talar og mykje song og musikk. Dei kjøper inn rikeleg med godt pålegg og lagar til fine rundstykke. Målet er at fleire i bygda skal få kjennskap til misjonen og ta del i arbeidet med å 1) Dela trua på Jesus, 2) Kjempa mot urett og 3) Utrydda fattigdom, som er Det Norske Misjonsselskap sitt mål. Då er heile soknet velkomen!



Vanleg foreningsmøte oktober 2023. F.v. Bjørg Aadland, Ingunn Myrliid, Hilda Austegard, Ingeborg Aarnes, Åshild B. Furukawa og Solveig Mongstad.

Om hausten, når det er misjonsmesse i Knarvik, hjelper dei til på kjøkenet, ved salsborda og gjev ein fin gevinst til hovudlotteriet. Og på slutten av vårsemesteret eller byrjinga av haustsemesteret er det tid for tur. Då er det sosiale viktigast. Og spør du kvifor dei held på slik, år etter år, så kan dei sjølvsagt sei at det er fordi det er gildt å samlast. Men det stikk djupare enn det. Det er ei oppgåve dei har fått: Eit kall til offer og bøn for verda, som dei ikkje kan svikta.



Mengder av deilige rundstykke smurt til misjonsfesten.

SKARSVÅG
Rør og Interiør as

Telefon: 56 17 07 10 Telefaks: 56 17 07 11
Besøksadresse og Postadresse:
Melandsvegen 15, 5918 FREKHAUG

Mandag-Fredag 08.00-16.00 Lørdag :STENGT

For avtale etter kl. 16.00 alle hverdager,
ta kontakt på telefon: 56 17 07 10

Mange har ikke råd til å feire jul

Forskjellene i Norge øker. Flere familier må velge mellom mat eller julegaver.

Du kan hjelpe!

Gi en julegave på **vipps 13130**

Blå Kors

Illustrasjonsfoto

Meland Auto AS
Autorisert bilverkstad
www.melandauto.no

MCA

ALT I CATERING

NORDHORDLAND FOLKEHØGSKULE
www.catering.com • tlf. 56 17 43 23

GLØDE
Arbeids- og Kompetansesenter

Vi tilbyr utleige av flotte festlokale og har gode cateringtilbud til dåp, konfirmasjon, jubileum og minnesamvær.

Sjå www.glode.no eller ta kontakt på 56 17 58 00

Glimt frå siste halvår

Foto: Anne Marit Fosse Dahle og Arve Kjell Uthaug

Før sommaren var nokre av konfirmantane med på turgruppe. Her frå Brakstad og frå Eldsfjellet. Konfirmantgudstenestene var i september.

I starten av oktober var det gudsteneste med utdeling av barnebibel til 4-åringar og barnekoret Levande lys tok del.



 **Hageland**

Søderstrøm Blomster og Hagesenter AS
Lyngvegen 1, 5914 Isdalstø
tlf. +47 56 35 17 65
mobil +47 926 08 647

KIWI mini
pris

for alle med sans for lavpris
FREKHAUG SENTER
Åpningstider: Man-lør: 07.00-23.00

REMA 1000

FREKHAUG SENTER
tlf.: 56 17 60 00

Frå kyrkjebenken

– Kor lenge har du vore aktiv i kyrkjelyden

– Eg har vore aktiv i kyrkjelyden sidan eg flytta til Radøy i 1986. I byrjinga støtta eg opp om ungdomsarbeidet. For ca 20 år sidan dirigerte eg Hordabø barnekantori nokre år. Eg har også leia nokre kveldsstunder med kristen meditasjon. For tida er eg medliturg og steppar inn som «organist» (det vil seia pianist) dersom det er behov.

– Kva set du mest pris på ved kyrkjelyden vår?

– Eg har blitt tatt godt imot som innvandrar (austlending). Her er det hyggjelege folk som er lett å kome i kontakt med. Det er mykje godt som blir gjort i Radøy sokn – konfirmasjonsarbeid, trusoppplæring og mykje anna. Gudsteneste med dåp og nattverd set eg veldig pris på. Kyrkja betyr mykje for mange. Det er viktig at vi støttar opp både med frivillig innsats og økonomisk om kyrkja vår. Alle kan bidra etter evne.

– Korleis vil du skildre kyrkja?

– Eg er stolt av å tilhøyra Den norske kyrkja. Den har røtter heilt tilbake til 1000-talet og ber ein rik tradisjon i landet vårt. Det viktigaste for meg er Guds nærvær. Gud er opphavet til kjærleiken – ja, Gud er kjærleik. Det står i Apostelgjerningane: «I han er det vi lever og rører oss og er til». Dette er noko av kjernen i den kristne trua og mystikken.

– Kva salme syng du gjerne for tida?

– Eg har sansen for Eyvind Skeie sine salmar. Salmane hans er konkrete og djupe, både om dagleglivet, trua og håpet. Eg vil spesielt trekke fram «Jeg tror på jordens forvandling». Den fortel oss om underet som ein gong vil skje når Gud skapar ein ny himmel og ei ny jord.

– Kva kjenneteiknar ein god kyrkjekaffi?

– Kaffi sjølvsagt, og noko godt til kaffien. Men viktigast er det å treffe andre i kyrkjelyden og slå av ein prat med dei.



FAKTA:

Namn: Åsmund Stray Nordberg

Alder: 63 år

Bustad: Hella (5 km nord for Manger)

Yrke: Pensjonist

**Knarvik
Blomsterstove**



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

 **NORDHORDLAND
BEGRAVELSESBYRÅ** Ditt lokale
gravferdsbyrå

ALLTID HER FOR
deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund Havnevegen 31 Frekhaug Elvavegen 1 Dalekvam

VATNE
begravelsesbyrå 

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no

Respekt og empati for enkeltmenneske viktig for politiet



Politistasjonssjef Kjell Idar Vangberg har jobba i politiet i snart 43 år. Han seier hans erfaringar er at dei aller fleste politi behandlar den enkelte med verdigheit.

Tekst og foto: Arthur Kleiveland

I kyrkjebladet sin serie «Etikk, takk» set vi denne gongen fokus på politiet og val dei må gjera i krevjande situasjonar. Me har snakka med politistasjonssjefen i Nordhordland, Kjell Idar Vangberg.

– Er tilsette i politiet meir bevisst på etiske dilemma i dag enn for ti år sidan?

– Ja, eg trur det er meir fokus på etiske problemstillingar i dag enn tidlegare. Samfunnet er i konstant endring, noko også politiet er. Med meir fokus på etikken i utdanninga, er ein nyttilsett i politiet meir bevisst på dette når vedkomande kjem ut i arbeidslivet, og dermed har større fokus på å ivareta enkelt-individ enn før. Når dette temaet blir følgt opp på leiarnivå i dei ulike einingane, er dette også med på å endra haldningar.

Større empati og sympati

– Politiet blir meir «overvaka» enn tidlegare. Bidreg det til å «pressa» fram ein standard for korleis ein agerer i ulike oppdrag og i møte med menneske?

– Eg trur ikkje at dette er avgjerande for at vi som politi i dag har meir respekt, viser større empati og sympati med enkeltmenneske enn tidlegare. Det er veldig individuelt korleis den enkelte behandlar menneske, seier Vangberg. Han har jobba i politiet i snart 43 år, og seier hans erfaringar er at dei aller fleste politi behandlar den enkelte med verdigheit.

Brucar dei «flinkaste» i enkelte roller

– I kva grad spelar den tilsette sin personlegdom inn i slike tilfelle?

– Vi er heldigvis forskjellige. Det hadde vore kjedeleg dersom vi alle var like. Det viktige er at vi jobbar mot at alle er klar over at vi har ein jobb der vi SKAL hjelpa innbyggjarane våre. Dette er sjølvsagt lettare – og heilt naturleg for enkelte, medan andre kanskje må minnast på kvifor vi er politi. Nokon er diplomatiske og strekker seg langt, andre løyser oppdrag på ein annan måte. Personlegdomen er difor av og til avgjerande, og det er viktig at vi som leiarar brukar dei som er ”flinkast” i enkelte roller.

– Kva rolle inntar politiet i barnevernsaker - dette er jo eit særleg følsomt tema?

– Politiet har etter lova plikt til å bistå barnevernet i enkelte saker. Men politiet skal ikkje brukast, dersom det ikkje absolutt er behov for det. Politiet skal ikkje vera noko ein truar med. Difor har vi god dialog med barnevernet i enkeltsaker, slik at vi saman ikkje gjer ”overtramp” overfor barn og deira familiar, seier Vangberg.

Enorm auke

Det har vore ein dramatisk auke for politiet i oppdrag knytt til psykiatri dei siste åra. Når politiet ikkje har kapasitet eller er godt nok rigga til desse oppgåvene, kan det då vera

Etikk, takk!



- Vi er tydelege på at vi ikkje skal gjera skilnad på folk, alle skal behandlast med respekt, seier Kjell Idar Vangberg.

ein fare for politiet si handtering enkelte gonger kan bryta med dei etiske retningslinene?

- Kvar enkelt politi har jamleg slike opplevingar i sin arbeidskvardag. Dette medfører at den enkelte blir god til å løysa slike oppgåver. Eg opplever det slik at politiet i dag er blitt mykje betre rusta for slike oppdrag, og at den enkelte polititilsette behandlar kvar enkelt på ein svært god måte. Våre politifolk viser både respekt, empati og sympati. Her synest eg vi er god, seier politistasjonssjefen i Nordhordland.

- Det same gjeld i flyktningssaker der politiet er involvert, og i oppdrag knytt til vald og skarpe situasjonar, legg han til. Vangberg slår fast at politiet i Nordhordland er svært opptatt av å behandla alle på ein god måte.

- Vi er tydelege på at vi ikkje skal gjera skilnad på folk, alle skal behandlast med respekt, seier Vangberg, og understrekar at dette er eit leiaransvar.

Dødsbodskap på telefon

- I kva grad har politiet i samband med ulukker og kriminelle handlingar, utfordringar knytt til sosiale medier, som ofte kan koma politiet i forkjøpet. Kan det då framtvunga løysingar som ikkje er optimale etisk sett?

- Endringane i samfunnet har vore store. Sosiale medier er eit godt eksempel på dette, nettaviser eit anna. Difor må politiet stadig oftare formidla dødsbodskap pr. telefon. Vi har gode rutiner på dette, slik at eg som leiar, og dei som er politikontakter tar denne samtalen, samtidig som vi gir tilbod om å komma heim til den enkelte, seier Vangberg. Han viser til at kommunen sitt psykososiale kriseteam også blir varsla, og bidreg når det er behov.

Handplukka folk

I Nordhordland er det eigne politikontakter som ivaretar pårørende-kontakten. Dette er politifolk som har god erfaring, og som er handplukka til stillinga, seier Vangberg.

- Men tenesta er slik at unge og uerfarne politi kjem opp i hendingar der uventa dødsfall har skjedd. Desse må då i første fase etter beste evne visa omsorg for familie, venner og andre som er tett på den aktuelle situasjonen, seier politistasjonssjef Kjell Idar Vangberg.

Torsvik Elektro AS er total-leverandør av elektroinstallasjoner i Alver

Vi utfører:

- Bolig og industri • Alarm
- Billadere • Adgangskontroll
- Tele/data-nettverk • Automatisering
- Godkjent for kontroll av el. anlegg

Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG



Alver Byggrenhold



Arbeid med ikonar tek tid. Foto: Ruben Soltvedt

Det er ikkje alt gull som glimrar

Tekst: Solveig Westermoen

Foto: Gro Fyllingsnes og Ruben Soltvedt

At Alver kommune er full av talent og kreative menneske, er noko vi som bur her er godt kjend med. Ei av dei som får verda til å glimre litt meir, er Gro Fyllingsnes frå Eikangervåg. På Galleri Gamleskulen i Eikanger sit ho med pensel og bladgull og måler seg inn i ein over 1500 år gamal tradisjon.

Gro Fyllingsnes er oppvaksen på gard i Eikangervåg i Alver kommune. No bur ho ikkje langt unna, med mannen sin Cato. Saman har dei tre vaksne barn og tre barnebarn. Gro og Cato driv Galleri Gamleskulen Eikanger. Gamleskulen vart nedlagt på 70-talet, og far til Gro fekk tilbod om å kjøpa bygningen. Historia til skulen er lang og omfattande, og bygget har vore brukt til mykje og mangt. I dag er det helst kulturformidling i form av målekurs, konsertar og teater som utspeler seg mellom veggane.

Gro kan avsløre at i tilbygget, det gamle lageret, er det no bygd ein stor steinomn, og etterkvart vil ein og kunne kome til Galleri Gamleskulen og kjøpe bakarvarer.

Men i dag vil vi snakke om kunst og kultur.

Gro vaks opp på bedehuset. Her skjøna ho tidleg at det var forskjell på folk, og i ungdomsåra vaks det fram eit sinne i henne. Det var som det gjekk eit skilje i bygda, mellom dei som gjekk på bedehuset og dei som gjekk på ungdomshuset. Og Gro var sint både på dei som ville sette henne i bedehusbåsen, og på dei på bedehuset som ville halde

henne fast der. Ho opplevde bedehuskulturen som trong, streng, full av forbod, og lite plass til sanselige inntrykk. Kristentrua vart mest ord.

Som vaksen reiste ho mykje på ferie til Middelhavsområdet. På Kreta møtte ho ein annan kultur då ho besøkte dei ortodokse kyrkjene der. Bileta, fargane, roen og stemninga gjorde noko med henne, og var tiltalende på ein heilt anna måte enn kyrkjene heime i Noreg. Ho fekk eit anna møte med det heilage, og ho kjende at det var godt. Då ho og mannen etterkvart reiste til Italia for å drive med litt slektsgransking i landet, blei ho og vår ikonane der.

Som lærar, og diakon, med bakgrunn frå husflidskole og kunsthistorie begynte Gro med målekurs for barn i Galleri Gamleskulen på 90-talet. Dette held ho enno på med. Men ho ville gjerne lære meir om ikonar, og prøve å male sjølv. Ho tok kontakt med Solrun Nes, ei av Noregs fremste ikonmålarar, og fekk plass på eit påskekurs. Nes var tydeleg på at dette handverket ikkje er for kven som helst. Det er ein tidkrevjande prosess, med strenge rammer og reglar, og dyre materialar. Men Gro kom heim og ville måle fleire ikon.

Og fleire har det blitt. Ho har måla variantar av Jesus, Maria, englar og helgenar. Dei fleste bileta er kopier av eldre ikon. Slik er tradisjonen. Men ho har og nokre heilt egne originalar, mellom anna ikonar av Sta. Sunniva, Vestlandets skytshelgen. Gro er fascinert av historia og segna om den

irske prinsessa som sette seg i ein årelaus båt og let seg drive med bølgene til ho skylte i land på øya Selja. På Galleri Gamleskulen ligg det allereie skisser og treplater klare til fleire Sunniva-ikonar. Nok til ei utstilling til våren, håpar Gro.

Eit spørsmål ho får frå tid til anna, er om det er nokon som vil kjøpe ikon. Og det er det. Etter ei lita oppteljing fann ho ut at ho har selt rundt 30 originalar, og mange mindre trykk. Det er mange som opplever ikon som eit verdifullt trusuttrykk. Det er ei kjelde til inspirasjon, andakt og kontemplasjon, i tillegg til estetisk tilskot i heimen.

Gro har og jobba med flyktningar og vaksenopplæring i Austrheim og i Bergen kommunar, og særleg mellom dei ukrainske flyktningane fann ho fleire som hadde eit nært forhold til ikonar gjennom den russisk-ortodokse kyrkja. Biletkunst kommuniserer på tvers av landegrensar og språk. Gjennom målekurs har Gro fått vere med å føre flyktningar, både frå Ukraina og andre land, inn i norsk språk og kultur. Samtidig har ho fått utvida sine eigne horisontar. Når ho kan få vere med å bygge ned skiljene og båsane som vi set kvarandre i, så føler ho at ho er med på eit viktig arbeid.

Og snart skal Gro setje seg ned igjen med pensel og gull og jobbe fram fleire ikonar og andre bilete som ho kan dele med resten av verda.



Sta. Sunniva, Vestlandets skytshelgen. Foto Gro Fyllingsnes

OM IKON, FRÅ SNL.NO:

Ikon er gresk-ortodokse helgenbilder. I kirkene har ikonene en liturgisk funksjon og danner en helhet i form av billedveggen. I ortodokse hjem tjener ikonene til belæring, oppbyggelse og andakt for den enkelte og for familien.

VIL DU SJÅ MEIR?

Følg Gro Fyllingsnes på Instagram: @iconpaint.nordic

Eller søk opp filmen om Galleri Gamleskulen Eikanger på Nordhordland UNESCO Biosfære sin kanal på YouTube



Gro Fyllingsnes. Foto: Ruben Soltvedt

	EL.INSTALLASJON - INGENIØRTENESTER - SERVICE	
	Torvhusmyrane 6 Nordhordland Næringspark 5913 Eikangervåg	
	Tlf: 56 34 24 30 E-post: post@helland-elektro.no www.helland-elektro.no Foretaksregisteret: NO 986 751 718 MVA	

Bygg Team
VEST AS 

Alt innan tømrarfaget!

Sorggrupper

Av diakonimedarbeidar Kari Marie Gurvin-Molvik

Denne våren har eg hatt den store gleda å vere med diakon Ruben Sæle i Meland og leie ei sorggruppe, og eg har lyst å fortelje litt om det. Kanskje høyrest det merkeleg ut å skrive det på denne måten, «å hatt den store gleda av», men det meiner eg verkeleg. Det har vore så sterkt å få lov og ta del i menneske sine dyrebare historier om levd liv og å ha mista nokon ein er glad i.

Sorg er ein naturleg og sunn reaksjon på eit tap av nokon du er glad i. Det er hardt arbeid både kjenslemessig og mentalt, og kan verkeleg tappe deg for krefter. Sorg kan ta lengre tid enn det ein sjølv og omgjevnaden forventar, og å få møte andre som er i liknande situasjon, kan vere ein stor lettelse, og ein kan kjenne at «ja, eg er visst «normal» likevel!»! All sorg er unik, og det finst ingen fasit på korleis ein skal sørge, men det er noko med det at delt glede er dobbel glede og delt sorg kan vere lettare å bere.

Kyrkja i Alver og kreftkoordinator i Alver kommune samarbeider og ynskjer å vere til hjelp med å tilby sorggruppe for menneske som opplever sorg. Tilbodet er gratis og uavhengig av livssyn og bakgrunn for dødsfall. Sorggruppe har mellom 4-8 deltakarar som møtest 8-10 gonger, der kvar samling er på 1,5t.

I gruppa kan ein setje ord på kjensler, opplevingar og tankar kring sorg og tap, og saman få hjelp til finna styrke og gå vidare med tapet. Ein kan også seie at ein vert kvarandre sin heilagjeng der det er rom for både latter og gråt.

Gruppa har to faste leiarar med erfaring og/eller kompetanse innanfor sorg. Desse skal motivere til å fortelje, lytte og setje trygge rammer for samlingane. Det er likevel deltakarane sjølve som styrer mykje av samtalen, dette vert kalla ei sjølvhjelpsgruppe. Ein kjenner sjølv kva ein ynskjer å dele og kva ein vil ha for seg sjølv, me oppfordrar til å dele av

erfaringar ein har. Det er også heilt greit om ein vil la ordet gå vidare om ein kjenner behovet for å vere stille og ikkje sjølv fortelje.

Det vert sett opp eit forslag på ulike tema vi kan gå gjennom, og deltakarane avtaler vanlegvis kva ein ynskjer å snakke om neste gong.

Kanskje tenkjer ein når ein høyrer ordet sorggruppe at det er ein veldig alvorleg gjeng og at ein sit og «dyrkar sorga» og «ein grev seg ned i sorga», men det stemmer ikkje. Mange opplever at det er kort veg mellom sorg og glede. I sorggruppa kan ein både dele sorga og gråte saman, men også dele glede og le saman. Av og til kan det gjere svært godt med litt lun og gjenkjennande humor når sorgreaksjonane kan vere litt annleis enn venta.

For nokon kan einesamtale vere meir nyttig i staden for deltaking i gruppe. Då kan me sjølve tilby samtale, eller me set deg i kontakt med andre som kan gjere det.

Vil du vere med i ei sorggruppe eller ynskjer meir informasjon, ta kontakt med diakon Ruben Sæle 413 83 195, diakon Kari Marie Gurvin-Molvik 932 01 354 eller diakon Gudveig Kartveit Sundsbø 938 40 587.

Sitat frå tidlegare deltakarar:

«Forståelse for hva du går igjennom uten å måtte forklare din sorg»

«Dette har hjulpet meg mykje, godt å få snakke med andre som er i akkurat same situasjon som meg, og forstår akkurat korleis det er, og at vi har mange felles opplevingar av sorga, godt å kome saman på desse treffa, og både gråte og le saman».

«Det har vært trygt, støttende og godt å kunne dele både sorg og gleder med andre som også har opplevd tap».

«Jeg er veldig takknemlig for at jeg fikk være sammen med andre i samme situasjon. Jeg gledet meg til hver gang vi møttes».

Resultat av val til nytt bispedømeråd i Bjørgvin

Faste medlemmer:

Oddny Irene Miljeteig (Open folkekyrkje)

Turid Fjose (Nominasjonskomiteens liste)

Per Hilleren (Frimodig kyrkje)

Karl Johan Kirkebø (Open folkekyrkje)

Dag Sele (Nominasjonskomiteens liste)

Sigurd Grindheim (Bønnelista)

Live Bakke Nydal (Open folkekyrkje)

Tilsette i Den norske kyrkja:

Kjersti Gautestad

Norheim (sokneprest, Birkeland)

representant for prestane

Rita Eldholm (diakon, Åsane)

representant for leke tilsette

Biskop **Ragnhild Jepsen** har fast plass i bispedømerådet.

Varamedlemmer:

Bønnelista:

1. Solaug Anita Apelthun Sæle

2. Trygve Johannes Hellesøy

3. Torid Morsund Øygard

4. Finn Indrebø

Frimodig kyrkje:

1. Gunnar Innerdal

2. Egil Morland

3. Marthe Hauge Aase

4. Karen Sofie Uthaug

Nominasjonskomiteens liste:

1. Arne Jostein By

2. Amalie Gjengedal-Eide

3. Ingeborg Watne Flatland

4. Kristin Jordheim Bovim

5. Dag-Olav Bjorøy

Open folkekyrkje:

1. Rune Johan Skjælaaen

2. Mari Skjerdal Lysne

3. Malene Mortensen

4. Anne Vierdal

5. Håkon Glatved-Prahl

6. Vegard Flatebø Trætteberg



BISKOPENS JULEANDAKT

Ei strime av von

Av biskop Ragnhild Jepsen

Foto: Øystein Skauge

Djupt i mennesket ligg vona. For sjølv om vi ikkje alltid greier å sjå det, ligg krafta likevel djupt i oss; den som gjer at vi prøver å reise oss, gå eit steg vidare, løfte hovudet.

Mange stader i verda møter ein denne jula med fråvær av von. I land som er råka av krig og ufred, i områda som er truga av miljøkatastrofar og dei som bur der er usikre på om det er ei framtid der - vi veit at det er mange menneske som møter julehøgtida med frykt og sorg, snarare enn med glede og von.

Og likevel - framfor jula ber mange av oss på ei von midt i det vonlause. Vi vonar at jula blir god. Vi har tankar om korleis julefeiringa skal bli, og med ambisjonar om alt som skulle gjerast, alt som skulle bakast, alt som skulle ordnast av stort og smått. Men som vi kanskje ikkje kom heilt i mål med, og vi kjenner oss slitne. Ynsket om det perfekte vart ikkje oppfylt dette året heller.

Men er det noko den fyrste jula lærte oss, så var det at den ikkje var perfekt, i alle fall ikkje etter vår målestokk: Eit barn fødd i ein kald stall av ei ung, ugift mor, med dyr og ustelte gjetarar som dei fyrste gjestane. Nei, det kan vel på ingen måte seiast å ha vore perfekt.

Jula femner om både det djupt menneskelege og det guddommelege. Den no avdøde artisten og låtskrivaren Hans-Erik Dyvik Husby sa det ein gong slik: Det er ein menneskeleg ting å falle. Men det er ein guddommeleg ting å reise seg att.

Det nyfødde barnet i krubba kom som ein vi kunne kjenne oss lik med, samstundes som han kom med oppreising og forvandling.

Dei to som no sit med barnet mellom hendene, Maria og Josef, som opplever dette underfulle og store dei knapt kan forstå, - dei sit med vona i fanget. For uansett kor merkeleg og usikkert alt må ha vore for dei, med eit barn som englane på himmelen seier er Guds son og med stjernetydande vismenn som seier at denne guten er ein konge; Maria og Josef har von for det nyfødde barnet!

Og sjølv om det meste i stallen og krubba i Betlehem er ulikt alt anna vi kan tenke oss; I dette er dei lik oss. For uansett kor vanskelege forholda er når eit barn blir fødd, om det er alt det usikre, krig, svolt, ufred eller vald; og uansett kor lite vi veit om kva framtida bringer og kor mykje frykt vi har for dagane som skal kome: Med eit nyfødd barn kjem von - om det så berre er ei lita strime.

Og slik kjem Gud til oss. Som ei strime av von. Med ljøs i det aller mørkaste.

Jula er høgtida der vi feirar at vona vart gjeven til verda. Og at i den fyrste jula fekk verda del i bodskapen som har kraft i seg til å setje fangar fri, løyse band og bringe menneske saman. Gud deler våre kår. Jesus er saman med oss i det vi alle har til felles: Å vere barn. Å vere menneske. Å vere avhengige av andre. Å sørgje, å kjenne glede. Å bere på ei von.

I stallens kulde og mørke spring vona fram.

Det sårbare barnet i krubba synt seg sterkare enn all jordisk makt. Den fyrste jula var eit vendepunkt i menneskets historie. Jula er den meste løfterike av alle høgtider. Ljoset og vona er komne til verda.

Difor er det ein guddommeleg ting å reise seg att.



KULTUR- KALENDER

25. november

Lindås kyrkje kl.18.00

Adventskonsert med Lindås songlag

29. november

Rasteplassen, Manger, kl 18:00

“Syng advent og jul”

Songkveld saman med Radøy damekor og William Kay.

3. desember

Knarvik kyrkje kl. 13.00

SKRUK 50 ÅR. Billett: ebillett.no

Knarvik kyrkje kl. 19.00

Konsert ”JULEN I VÅRE HJERTER” med Tor, Anne-Sophie og Morten Endresen.
Billett: hoopla.no

9. desember

Knarvik kyrkje kl. 18

Adventskonsert med Ole Bull kammerkor og Ingeborg Fønnes Flaten, trombone.

10. desember

Seim kyrkje kl. 17

Julekonsert m/ Seim musikklag.

Myking kyrkje kl. 18.00

Julekonsert med songkoret Albatross

Meland kyrkje kl. 17.00

Julekonsert med Sagstad skulekorps, Skala Brass, vokalkvartett og solister.

11. desember

Knarvik kyrkje kl. 18.30

JULEKLANG - Julekonsert ved Åsane, Nordhordland og Manger folkehøgskoler.

12. desember

Ostereidet kyrkje.

Julekonsert med Ostereidet skulekorps

13. desember

Knarvik kyrkje kl. 18.30

Julespel m/ SingOut og SingSingeling.

15. desember

Knarvik kyrkje kl. 20.00

Julekonsert. Eikanger-Bjørsvik Musikklag. Bergen Kornettensemble.

17. desember

Knarvik kyrkje kl. 17.30 og 20.00

Julekonsert m/ Sara Helen og venner. Overskotet går til Kirkens Bymisjon. Billettpris 200,- Barn t.o.m 12 år 100,-

17. desember

Alversund kyrkje kl. 19.00

DET LYSER I STILLE GRENDER.
Alversund Musikklag. Claus Sellevoll og Bjarte Aasmul.

Meland kyrkje kl. 20.00

Felix Vocalis: ”Syng jula inn”-konsert

18. desember

Lindås kyrkje.

Julekonsert med Lindås skulekorps.

19. desember

Knarvik kyrkje kl. 20.00

SYNG MED – JULESANG m/ Alversund kammerkor og gjester.

20. desember

Hjelmås kapell kl.19.00

Syng jula inn med Te Deum.

21. desember

Knarvik kyrkje kl. 18.30

Julekonsert med Knarvik Skulekorps.

23. desember

Seim kyrkje kl. 22.00

JULENATT - Seim Songkor. Frode Skag Storheim.

5. januar

Knarvik kyrkje kl. 17.00-19.00

JULETREFEST FOR ALLE I ALVER
Variert program med internasjonal vri.

7. januar

Sæbø kyrkje kl 16:00

Julefest for store og små.
Julespel, servering, juletrengang.

Neste nummer kjem frå trykkeriet 6. mars 2024. Frist for å melde frå om arrangement til kulturkalenderen er 2. februar.





Soknerådet 2023-2027:

Frå venstre - sokneprest Bjørn Tore Sæle, Maria Sæle, Per Arne Traa, Aslaug S.Miljeteig, Jonita T. Næss, Sølvi G. Knudsen, Frode Brakstad, Kari Erikstein

Soknerådet - lokalkyrkja sitt styre er valt og konstituert

Frå 1. november er det eit nyvalt sokneråd som har ansvaret for soknet sitt ve og vel, eller som det heiter i paragrafen Kirkeordninga §12 skal ha merksemda på "alt som kan gjøres for å vekke og nære det kristelige livet i sokna".

Rådet består av 6 valte faste medlemmer, soknepresten og ein fast møtande vara. I tillegg er det også 4 vararepresentantar. Dagleg leiar fungerer som soknerådet sin sekretær og sakshandsamar.

Det nye rådet konstituerte seg same kvelden som det avtroppande rådet hadde siste møtet. Leiar og nestleiar er valt for eitt år, fellesrådsrepresentant og vara for denne i 4 år.

Per Arne Traa, leiar

Maria Sæle, nestleiar

Sølvi Gripsgård Knudsen, fellesrådsrepresentant

Kari Erikstein, vara fellesrådsrepresentant

Frode Brakstad, medlem

Jonita Næss, medlem

Varamedlemmer:

Aslaug Sæle Miljeteig

Lisbeth Sjursen

Aslaug Aalen

Roba Al Serhan

Kristian Martin Bech

Slekters gang

Dåp i Meland sokn

16.07.2023 Johanne Fondenes Storheim
(Knarvik kyrkje)

06.08.2023 Pernille Heggdal

13.08.2023 Leonel Kvamme Borgstein

20.08.2023 Ulrik Aadland-Nielsen

20.08.2023 Vetle Risnes Lunde

03.09.2023 Dennis Granhei Jakobsen

03.09.2023 Jesper Stenumgaard

24.09.2023 Dennis Emil Olsvold Tjore
(Alversund kyrkje)

08.10.2023 Emma Sofie Solstrand Erstad

15.10.2023 Olai Sørli-Askeland

15.10.2023 Aksel Solheim Sandal

15.10.2023 Victoria Langedal

15.10.2023 Anton Rojas Rossland

Vielser i Meland

24.06.2023 Frank Blindheim og
Karoline Linn Jensen Straume

08.07.2023 Odd Martin Reilstad og
Sigrid Helene Steinhovden

22.07.2023 Helge Bjordal og Svanhild Sæverås

12.08.2023 Stian Andre Lund og
Karoline Bastesen Dale

26.08.2023 Jon Harald Leknes og Siri Erstad

14.10.2023 Daniel Kimo og Karen Sofie Uthaug

Gravferder i Meland

27.06.2023 Olav Flatøy

30.06.2023 Kåre Olai Haugen

04.07.2023 Ove Geir Mikkelsen

01.08.2023 Margit Rifsgård

03.08.2023 Laila Steinsland

03.08.2023 Gunnar Atle Jespersen

08.08.2023 Eva Solsvik

09.08.2023 Torhild Larsen

15.08.2023 Stein Aksel Dale

01.09.2023 Karstein Gerhard Nyheim

15.09.2023 Alf Harald Nedreås

15.09.2023 Ingunn Solbjørg Nilsen

19.09.2023 Ann-Karin Dingen

22.09.2023 Eivind Larsen

26.09.2023 Kent Roy Gullaksen

29.09.2023 Målfrid Karen Sagstad Kalnes

03.10.2023 Gerd Ingvarda Hjertås

06.10.2023 Johannes Fosse

06.10.2023 Audun Askeland

13.10.2023 Harry Wiig Andersen

13.10.2023 Vidar Brakstad



Kyrkjemusikar Magnus Blom arrangerer konsertane og spelar sjølv.

Meir musikk til folket!

Tekst: Anne Sofie Uthaug

Foto: Arve Kjell Uthaug

Magnus Blom, ny kyrkjemusikar frå juni, har no gjort seg opp nokre første tankar om musikklivet i Meland kyrkjelyd og kva som kan utvikla det vidare – ikkje minst gjennom onsdagskonsertar.

Meland kyrkjelyd viser seg som ein svært songglad kyrkjelyd, seier Magnus Blom. Det har blitt bygd opp ein sterk og god kultur for band og forsongarteneste i gudstenestene over år. Dette vil han støtte opp om og det skal få halde fram i det gode sporet, legg han vekt på.

Frå september var det oppstart med månadlege onsdagskonsertar i Meland kyrkje. Kva er ønsket for desse konsertane?

– Onsdagskonsertane er opne for alle som kan tenke seg ein times musikk på ein tidleg onsdagskveld, seier Magnus. – Det blir ein konsert med instrumentale eller vokale innslag, lesing av komande søndags bibeltekstar og litt/noko salmesong.

– Eg legg opp til at det skal vere litt ulike uttrykk og ulike lokale utøvarar på konsertane, både profesjonelle og frivillige krefter, fortel kyrkjemusikar Magnus. Onsdagskonsertane kjem til å bli arrangert i alle månadar i skuleåret utanom desember. Til sommaren har han også tankar for eigne sommarkonsertar, gjerne med ei litt anna ramme.



Maria Sæle frå første onsdagskonsert september 2023.

– Onsdagskonsertane er eit svar på at eg trur det vil vere positivt her i Meland å få meir fokus på instrumental musikk, gjerne frå det klassiske repertoaret. Og kyrkjerommet i Meland er eit svært godt lokale for akustisk musikk.

Kyrkjelyden vil nok merke at eg har klassisk musikkbakgrunn, og eg det vil gjenspegla seg at kyrkja får eit enno meir mangfaldig musikkliv, avsluttar Magnus.

Onsdagskonsertar i Meland kyrkje:

17 januar kl. 1800:

Onsdagskonsert med song, musikk og tekstlesing. Kollekt til musikkarbeidet.

7 februar kl. 1800:

Salmekveld med song, musikk og tekstlesing. Kollekt til musikkarbeidet.

13 mars kl. 1800:

Fastekonsert med Ruben Sæle og Magnus Blom. Song, musikk og tekstlesing. Kollekt til Kirkens nødhjelp.

Tankestrek

Tekst: Per Arne Traa, påtroppande soknerådsleiar.

Jeg ble spurt om jeg kunne komme med noen betraktninger rundt det å gå inn i oppgaven som soknerådsleder. Først og fremst kjenner jeg på en takknemlighet over å være en del av en så flott menighet.

Vi har en dyktig og engasjert stab og mange flotte folk som hver dag gjør frivillig arbeid og deltar i ulike aktiviteter og tjenester.

Vi skal være en menighet det er godt å høre til og virke i. En god og trygg plass for alle å komme hjem til. Om det er å svinge innom en gudstjeneste, gå på en av våre mange aktiviteter. Eller å delta i dåp, konfirmasjon, bryllup og begravelse.

Jeg gleder meg til å ta fatt på oppgaven.



DEN NORSKE KYRKJA

Meland kyrkjelyd

Besøks- og postadresse kontor og Møteplassen: Havnevegen 31, 5918 Frekhaug. NB. Brakker fram til juli 2024.

Opningstid:

Kontoret på Frekhaug er oftast bemanna man-fre 08.30-15.00. Ta kontakt for avtale.

Telefon: 4000 1691
kvar dag kl 10.00 – 14.00.
post.meland@kyrkja.no
www.melandkyrkja.no

Facebookside: Meland kyrkjelyd

Kontonummer: 3632 07 04019

Vipps: 59301

Hugs å merka kva betalinga gjeld.

Alver kyrkjelege fellestråd

Lonsvegen 1, 5914 Isdalstø
post.alver@kyrkja.no
www.kyrkja.no/alver

Leiar i fellestrådet:

Kontakt

Utgevar: Soknerådet i Meland sokn, i samarbeid med Osterfjorden sokn, Mo sokn, Knarvik sokn, Radøy sokn og Lindås sokn.

Redaktør: Øystein Skauge

Lokal redaksjon: Solveig Westermoen, Anne Sofie N. Uthaug

Grafisk design: Simen Søvik

Trykk: Aksell

Framsidedeilete: Foto: Solveig Gravem Angelskår. Motiv: Ikon av Gro Fyllingsnes: "Kristi fødsel" (2011)



Følg oss på Facebook:
[@melandkyrkja](#)



Felix syng jula inn i Meland kyrkje 17. desember kl. 20.00



Helge Taranrød
Prost
ht759@kirken.no



John Fredrik Wallace
Kyrkjeveerje
jw734@kyrkja.no



Bjørn Tore Sæle
Sokneprest - 450 35 084
bs694@kyrkja.no



Anne Sofie Nergård Uthaug
Dagleg leiar - 404 62 647
au887@kyrkja.no



Anne Marit Fosse Dahle
Kyrkjelydspedagog - 400 01 691
ad423@kyrkja.no



Håkon Økland Kinsarvik
Spesialprest - 976 44 169
hk482@kirken.no



Gyda Matland
Administrasjonssekretær
400 01 691 - gm663@kyrkja.no



Magnus Blom
Kyrkjemusikar - 458 60 571
mb297@kyrkja.no



Mounir Sarhan
Kyrkjjetenar - 471 91 961



Ruben Sæle
Diakon med ungdomsfokus
400 01 691 - rs433@kyrkja.no



Per Arne Traa
Soknerådsleiar - 415 59 121
perarnetraa@gmail.com

GUDSTENESTEKALENDER



Meland

03.12.2023 19:30

1. søndag i adventstida
Håkon Kinsarvik og Bjørn
Tore Sæle
Lysmesse med
konfirmantar

10.12.2023 11:00

2. søndag i adventstida
Bjørn Tore Sæle
Dåp og nattverd

10.12.2023 17:00

Julekonsert med lokale
aktørar

17.12.2023 11:00

3. søndag i adventstida
Håkon Kinsarvik
Løvegjenggudsteneste /
barnas jul
Nattverd

17.12.2023 20:00

Julekonsert Felix / Syng jula
inn

24.12.2023 13:30

Julaftan
Bjørn Tore Sæle

24.12.2023 15:00

Julaftan
Bjørn Tore Sæle

24.12.2023 16:30

Julaftan
Håkon Kinsarvik

25.12.2023 12:00

Høgtidsgudsteneste
Håkon Kinsarvik
Dåp og nattverd

01.01.2024 12:00

Nyårsdag
Bjørn Tore Sæle
Dåp og nattverd

07.01.2024 11:00

Kristi openberringsdag
Bjørn Tore Sæle og Håkon
Kinsarvik
Konfirmantpresentasjon
Nattverd

14.01.2024 11:00

2. søndag i
openberringstida
Bjørn Tore Sæle
Dåp og nattverd

21.01.2024 11:00

3. søndag i
openberringstida
Håkon Kinsarvik
Løvegjenggudsteneste
Nattverd

21.01.2024 19:30

Kveldsgudsteneste
Håkon Kinsarvik
Nattverd

24.01.2024 18:00

Onsdagskonsert

28.01.2024 11:00

Såmannssundagen
Bjørn Tore Sæle
Dåp og nattverd

04.02.2024 11:00

Kristi forklåringsdag
Vikarprest
Nattverd

11.02.2024 11:00

Fastelavnssundag
Håkon Kinsarvik
Dåp og nattverd

14.02.2024 20:00

Oskeonsdag
Bjørn Tore Sæle m.fl.
Skriftemål og
bønnevandring
Nattverd

18.02.2024 11:00

1. søndag i fastetida
Bjørn Tore Sæle
Dåp og nattverd

18.02.2024 19:30

Kveldsgudsteneste
Håkon Kinsarvik og
Torbjørn Sæle
Nattverd

21.02.2024 18:00

Onsdagskonsert

25.02.2024 11:00

2. søndag i fastetida
Bjørn Tore Sæle
Nattverd

03.03.2024 11:00

3. søndag i fastetida
Håkon Kinsarvik
Dåp og nattverd

10.03.2024 11:00

4. søndag i fastetida
Bjørn Tore Sæle
«Marked for rettferdighet»
Nattverd

10.03.2024 19:30

Kveldsgudsteneste
Håkon Kinsarvik
Nattverd

17.03.2024 11:00

Maria bodskapsdag
Bjørn Tore Sæle og Håkon
Kinsarvik
Fasteaksjonsgudsteneste
konfirmantar
Nattverd

20.03.2024 18:00

Onsdagskonsert

24.03.2024 11:00

Palmesundag
Håkon Kinsarvik
Dåp og nattverd

28.03.2024 19:30

Skjærtorsdag
Håkon Kinsarvik
Nattverd

29.03.2024 11:00

Langfredag
Bjørn Tore Sæle

31.03.2024 11:00

Høgtidsgudsteneste
Påskedag
Bjørn Tore Sæle
Dåp og nattverd

07.04.2024 11:00

2. søndag i påsketida
Bjørn Tore Sæle
Nattverd